

欽定八旗通志卷七十三

土田志十二

各處駐防地畝

設立規制

給地數目

設立規制

順治二年九月

諭戶兵二部曰近來土賊竊發民不聊生如直隸順德府山東濟南府德州臨清州江北徐州山西潞安府平陽府蒲州八處著滿洲統兵駐劄務期勦撫得宜以安百

姓以上八處駐劄滿兵者給以無主房地其故明公侯伯駙馬太監地察明量給原主外餘給滿洲兵丁

四年題准江寧駐防旗員給園地三十晌至十晌不等西安駐防旗員給園地四十晌至十五晌不等

又題准浙江駐防官兵不給田俸餉照經制支領五年題准各省駐防官兵家口半攜去者其在京園地半撤全攜去者全撤

又題准直省駐防官應給勞地米所留家口在京
支給隨帶家口在駐防所支給

六年題准外省駐防官員初任未經發給園地者
准令撥給其加級陞任者不復添給凡應給地十
晌以下者戶部撥給十晌以上者奏請撥給

七年題准駐防官員量給園地甲兵壯丁每名給
地五晌臨清太原以無主地並官地撥給保定河
間滄州以八旗退出地撥給

八年題准由太原府移駐滄州兩白旗馬甲三十
七名移駐臨清兩黃旗馬甲三十一名移駐河間

府

原冊不言何
旗謹闕之

馬甲二十八名共九十六名所有

遺下營房地畝交太原城守尉收貯其由滄州移
駐太原府之正藍旗馬甲三百一十七名卽以此
項撥給如不及數著地方官籌措閑地添補每馬
甲一名房一間每一壯丁務足五晌之地其馬甲
等錢糧亦每月照常給領再移駐河間臨清滄州

之馬甲等其耕種糧草該地方官取彼與此亦將
伊等留下之項逐件開明咨覆京城以便行咨移
駐處照數還給如有未留者其移駐處亦毋庸給
領

康熙二十一年奉

旨盛京山海關等處官員年老病故之寡婦孤兒仍在原
任處居住給原官房屋地土

三十一年題准將山西陽曲太原二邑所屬享堂

等六屯地畝撥給駐防滿洲官兵

又覆准陽曲地畝被圈將太榆清忻四州縣屯地
撥補但屯頭佃戶倚恃隔屬不肯完租被圈之民
賠累照直隸之例令州縣官代徵解給被圈之民
倘有拖欠照例處分

三十二年議准各省駐防旗兵均在所住之處給
與地畝

五十七年覆准山西右衛寧麻口外西至十家鋪

三十里東至彌陀山十五里共有荒地四千五百
餘晌差官丈量安設莊頭十五名

五十八年題准滿洲官兵駐劄河南南陽府揚河
地方所有墾荒地畝給與耕種爲業

又戶部例載八旗人員不許在外省置買產業違
者產業入官其駐防兵丁准其在外置立產業

謹業

此例乃乾隆二十一年
所定詳見墾地一門

乾隆三十一年十一月綏遠城將軍嵩椿奏請將

右衛牧廠餘地招民墾種並於此內撥地二十頃
給阿貴廟喇嘛養贍

三十二年五月覆准牧廠餘地分段丈量正藍旗
爲一段正黃正紅鑲紅三旗爲一段鑲藍旗爲一
段其中堪以墾種者共計一千六百餘頃應於歸
綏道所屬五廳及大同朔平二府屬沿途州縣招
募佃民每地五頃作爲一分資本有餘者准給一
分力量不足者數人合認一分俟入冊翻犁後給

以印照管業准其當年自收籽粒以償工本定限
次年起科其餘遶年墾熟陸續陞報其地隸和林
格爾及清水河二廳所有應徵租銀卽交與該通
判經徵就近解緩遠同知衙門撥充旗營兵餉至
開墾一千六百餘頃外尙有八百餘頃係砂磧山
溝不成片段俟將好地墾成後飭令零星開種陞
科以盡地利其所募佃民約需千有餘戶卽令兩
通判度地酌設村莊俾其聚集一處以便稽查彈

卷之八 加通元 卷之十三
壓無須另設員弁此外編記定號刨挖溝濠及一切應行事宜照察哈爾牧廠成例辦理並奉

旨依議

三十六年十一月軍機處議准江寧滿城閑空教場開墾地三千四百畝每年所收租銀一千五百六十四兩賞爲八旗官學紙張弓箭及兵丁運柴脚費之用

三十八年閏二月戶部議山西巡撫三寶所奏豐

鎮廳屬二道溝等村旗地五百六十頃二十畝被
水衝汕難以耕種所有租額銀七百八十四兩有
奇准其豁除奉

旨依議

四十七年八月戶兵二部議覆杭州將軍奏請杭
州駐防牧廠地畝內劃出九千畝召民墾種於乾
隆五十年起租每年所收租錢五千八百貫賞爲
養贍八旗孤寡并幫貼兵丁差使之用

五十七年山西巡撫長麟奏言太原滿營額設駐防兵六百名匠役四名養育兵四十名從前奉派出京時准將在京地畝報明交部卽於太原府地內照數撥給俾得就近取租以資養贍遇有絕嗣兵丁扣留三分作爲祭掃之用其餘七分報明入官凡在兵丁叨沐

皇仁至優極渥惟閱年旣久生齒日繁其孀婦孤男孤女等項漸積衆多向來議有養贍臣逐一詳查現

在滿管有孤男三十七名孤女三十七口均無父兄經理臣分飭四旗章京等將孤男孤女年歲相當者一體定爲婚配將來遇有兵丁匠役缺出陸續頂補即可敷其養贍毋庸另行籌議其孀婦一項共查有二百零二口內有四十口並無子姪可依者卽有遠房戶族未必力能兼顧難免不周之慮伏惟

皇上愛養旗民曲賜矜卹臣與城守尉等再四商酌仰

奏

皇上格外天恩俯准將前項入官地畝仍賞滿營以爲
養贍孀孤之用計現有入官地九頃六十六畝六
分五釐每年官收租銀二百一十二兩此項地畝
若令自行招佃墾同耕種可得銀四百餘兩現在
無依孀婦四十口均勻散給每口每年可得銀十
兩有奇太原風氣儉樸儘可藉資養贍請自本年
爲始卽行酌撥分賞並請嗣後遇有絕嗣地畝亦

俱仍歸滿管添補分用年終報部核銷奉

硃批好卽賞給

以上設立規制

給地數目

直隸保定府駐防城守尉一員防守禦四員驍騎
校四員筆帖式二員領催四十名披甲四百六十
名弓鐵匠四名內給官員地共六頃一十畝撥什
庫披甲弓匠一百三十七名閒散寡婦九名共地

一百二十六頃五十畝撤回京城兵丁已故者一

百二十四名共地一百十六頃二十二畝

本駐防來冊

滄州駐防城守尉隨衙門五壯丁地在王家莊。

正白旗滿洲旗分章京隨衙門一壯丁地在孟家

莊。蒙古旗分章京隨衙門二壯丁地在孟家莊

又本身十六壯丁地在孟村等四莊。鑲白旗滿

洲旗分章京隨衙門六壯丁地在王御史莊。蒙

古旗分章京隨衙門一壯丁地在齊家莊。正白

旗滿洲領催披甲閑散人等共九十七壯丁地在
孟村程家林孟家莊穆家莊等處○蒙古領催披
甲等共八十一壯丁地在孟村程家林新店趙官
屯王家寨西莊曹家莊宋家莊等處○鑲白旗滿
洲領催披甲等共一百零八壯丁地零二十畝在
程家林許村新店王家莊穆家莊孟村三十五里
舖白楊橋李三橋新莊等處○蒙古領催披甲閑
散人等共六十壯丁地零十八畝在新店捷地豬